

5563.8  
5024

白坡漫稿

南園

BERKELEY  
LIBRARY  
UNIVERSITY OF  
CALIFORNIA



借母正人年事性定

此詩乃佳句也

此詩乃佳句也

此詩乃佳句也

此詩乃佳句也

此詩乃佳句也

此詩乃佳句也

此詩乃佳句也

此詩乃佳句也







Carpenter



白坡漫稿

大殿誕辰陳賀百官進箋文

五月廿二日製  
送于承文院

靈川中獻求李文著

伏以鴻業奠泰磐之安萬年君子鳳曆屆華虹之節  
六月令辰福叶龜疇頌騰螭陞恭惟主上殿下以  
東方聖為南面君命用申而保天休誕拊千一會昌  
運地橫庚而御寶位丕承五百年洪基屬聖節  
載回於千秋猗遐祿益膺於萬壽伏念臣等躬逢盛  
際跡忝丹僚翠算知旬時值唐殿之獻鏡丹葵向日  
誠切幽堂之稱觥臣等無任瞻天仰聖云々



孝靜皇后祔廟陳質表

咸豐皇帝尊為太后同治元年追上祔廟

伏以駟御已邈優宸誠於尊崇鴻歸祇加修彝典於  
躋祔情禮既備愴忭惟均欽惟皇帝陛下聖化衆三  
至行源百坤闡追萬乘之養先志克承豐祀媿三后  
之尊孝思不匱肆禘儀載舉於太室猗休先普被於  
寰區伏念臣地近寅賓星若辰拱七廟觀德猗違奉  
璋之班百寶旅庭庶效執玉之禮

方物表

伏以拊璆丹於太寢既仰升祔之儀奉璫函於明廷  
庸效晉祫之禮云々右件物等產慚荆匭品遜魯琛



徒循執壤之規敢伸所曝之悃

伏以願有所必從既荷天監之惠儀及物惟享庸效  
壤奠之忱云々右件物等製造匪精名般不腆畧伸  
享上之禮庶監由中之誠

陳奏準清謝恩表

清儒鄭元慶所著廿一史畧  
編書我朝國系及聖祖

事蹟猶用陳建之皇明通紀朱璘所撰明紀輯  
畧中訛誣譌鱗之說是年春陳清刊正得準

伏以泛漢槎而籲感恩深千威釐鄭編而祛訛眷荷  
準奏事光青簡榮剪丹綸伏念臣職守編藩世沐優  
渥郵頒國傳恭承雍正年聖教禁申贗書除頌純皇  
帝至德頃陳先誣申辨之懇特蒙稭史許刊之恩二



家之譴辭尚仍幾多小邦之隱痛一編之謬輯亟毀  
重荷大朝之昭監從此有叙於彝倫寔亦無憾於幽  
顯茲蓋伏遇皇帝陛下極會正直辭闢諛邪表章六  
經建天地而不悖臨照萬國與日月而合明遂令菲  
忱亦蒙荃揆臣敢不攢手知感銘骨罔酬永戴皇靈  
期弗替於屏翰益虔侯度庶無玷於簡書

孝靜皇后祔廟詔書順付謝恩表

伏以揚玉冊而升祔方切慶忭之忱降璽書而渙宣  
特荷順付之惠曲為之地其仁如天伏念臣壤偏箕  
東誠拱斗北涵雨露之休澤竊保三千里封壘依日



月之耿光式遵二百年正朔屬太室誕舉彝典而賤  
价歸奉恩綸大慶有播脩之文冀爲使之降布小邦  
省供頓之弊命陪臣而替領偏蒙眷恤之私曷任瞻  
仰之悃茲蓋伏過皇帝陛下如春子諒自天申休察  
隱燭微式闡玉冒之化柔遠能通克軫懷綏之方遂  
令鯁封亦被鴻渥臣敢不勉竭忠款祇服寵靈身處  
馬韓狼阻輯瑞之列心懸象魏庶殫執壤之誠

賀謝方物移準謝恩表

伏以慶天休而旅庭仍效叩謝之禮留壤奠而藏府  
遽荷饋移之恩眷顧宗隆秉情倍激伏念臣筐篚侯



度冠帶藩邦天地幘幪偏承字小之惠春秋玉帛敢  
忽事大之誠不圖賤价聘覲之辰特承方物替準之  
命荃衷曲軫於弊賦謂有遠輸之勞蒞幣移充於正  
供俾無荐獻之舉雖聖眷若是至矣在臣情猶為缺  
然茲蓋伏遇皇帝陛下曆服嗣周朝覲歸夏懋盛德  
而揆上益下雨露均霽推至仁而漸東被西日月正  
冒遂推鴻渥玉及荒陬臣敢不銘鏤微衷涵泳休澤  
叨守鰈域歲效芻芹之誠愿結龍樓采切傾葵之願

陳奏方物移準謝恩表

伏以齎菲忱而冒懇史卞遺訛蠲薄幣而饋移恩替



常貢眷由體下感結心中伏念臣叨守舊封厚沐新  
化漸海訖教久仰偃草之風觀國利賔徒切傾葵之  
悃不料史誣刊正之日仍行聘致移準之恩軫遠方  
包匭之勞藏之以待替嗣歲執壤之典受斯如新實  
非眷遇之尋常何能報效於萬一茲蓋欣遇皇帝陞  
下丕承鴻業普被寵光御區宇而率賓南琛西賁按  
輿圖而挈貢小珙大球遂推懷綏之衷曲垂字恤之  
惠臣敢不河海知感涓埃圖酬周邦屏翰幾效恪謹  
之忱夏庭玉帛益修聘頒<sup>親</sup>之禮

使臣加賞謝恩表



伏以威顏不違咫尺粗述職於東維恩數迥出尋常  
侈加賚於下价多受賜也與有榮焉伏念臣誠懸楓  
宸迹阻槿域皇靈遠暨賜履自我先君侯度恪修奉  
幣用供永命頃當陪臣之入覲猥蒙恩賞之加隆外  
館之稍饒厚頒既寵聖德內府之珍綵增賜偏被寵  
光是何聖眷之特行殆若微躬之親受茲蓋伏遇皇  
帝陛下業繼熙洽治樞柔能厚往薄來會梯航於萬  
國遠懷近悅囿綈縢於八埏遂令徧隅亦霑曠典臣  
敢不仰戴洪造俯竭愚衷天地無覆載之私幾頌一  
視之惠江漢有朝宗之路益切萬折之誠



大殿冬至賀箋

玉堂

伏以天覆地載日所照漸教訖聲冬至陽生春又來  
履長踐福喜添宮線賀騰庭紳恭惟主上殿下以  
有為姿嗣無彊曆億兆民已願戴若辰居環拱衆星  
五百年必有興當午會文明一運茲當子雷之節益  
膺申天之休伏念臣等職忝掌麻忱切傾藹鳳池之  
恩波共沐幾多覲耿之榮龍樓之瑞色爭瞻庸效呼  
嵩之悃云

翼宗大王追上尊號

大王大妃殿加上尊號

百官陳賀箋文



伏以法堯舜法祖宗懷孝思於紹述右烈考右

文母颺顯跡於追加大德必名我家宜禮恭惟主

上殿下休膺天命聖至人倫考廟追駿惠之思續

洪業於萬歲慈殿奉燕喜之樂慶寶齡於六旬肆

隆禮載舉於元正而聖孝尤光於永世伏念臣等

誠深歡忭才愧贊襄拚瑤牒而周旋從之摸天日之

譽趨玉陛而晉賀粗效祝岡陵之忱

伏以盛烈追颺於宗宮圭瓚升茂慈德加隆

於長鼎琬琰賁輝吉慶若臻愴欣交切恭惟孝裕

獻聖宣敬正仁慈惠弘德純化文光元成大王大妃



殿下思齊太任有宋女充贊我前寧人惟休一國安  
泰盤之措在今後嗣王厥命萬品承坤元之資迨茲  
六旬膺寶曆之辰爰有元春進瑤冊之舉伏念臣等  
厚沐陰化忝廁朝端玉璫黃流自切盛德之不忘銀  
繩玳檢惟願遐壽之彌長

伏以頌駿烈之追闡彝典丕彰喜鴻鈞之加隆  
慈壽永享禮則然矣慶莫大焉恭惟明憲淑敬睿仁  
正穆弘聖章純王大妃殿下吉叶黃裳德著彤管贊  
憲廟肯構之業承祀於宗祊值王母受介之  
辰奉愉歡於長樂迨寶曆載屈於是歲伊縟儀誕



舉於元春伏念<sub>臣</sub>等迹忝具僚躬逢嘉會願象德於  
玉牒安有萬分一形容騰燕賀於瑤函敢效三呼千  
拜手

伏以追盛烈於先王彝章克備加顯稱於慈

聖縟儀載行慶溢宗祔懽均朝野恭惟明純徽

聖正元大妃殿下柔嘉貞靜淵懿慈和襲詩禮於古

家克配先哲后至德興仁孝於舉國寔承我太

母徽規茲當慶運之方回爰見盛禮之誕舉伏念<sub>臣</sub>

等俱以駑質廁茲鵷班舉笏瑤庭粗效抃顰之禮奉

箋椒掖益切稱兕之忱



伏以朱紘藹復見之誠揄揚先烈瑤冊舉貢號之禮  
頌祝 慈齡喜騰六宮慶溢八域恭惟 中宮殿下  
位正坤極德配乾元闡陰教於 中闈贊 宗祊休  
萬年之業奉至歡於 長樂體 聖孝勤三朝之裏  
碩茲追上加上之徽儀寔是既右亦右之盛典伏念  
臣等霑雨露澤依日月光芝函擎箋猥廁賀百僚之  
列椒塗播頌尤切祝萬壽之忱

大殿冬至賀箋

代作

伏以臨之若日月照庶績咸熙復其見天地心百祿  
鼎至時維建子命其用申恭惟 主上殿下體健乾



乾德新日之藹春暉於慈殿九五福康寧象雷天  
於法宮千萬戶次第茲值履長之節益膺泰來之休  
伏念臣跡滯西藩誠懸北闕頒箕聖八條之教才實  
慙於宣風阻華封三祝之班忱自切於倚斗

王大妃寶齡四旬

五殿陳賀箋文

代作

伏以一元之嘉會載回嚮用五福萬慶之寶齡彌卽  
光躋四旬喜溢六宮頌騰八域恭惟主上殿下化  
隆建極治著敦倫承繼列祖誕拊五百年洪運起  
居三殿每祝八千歲遐籌茲當官闈稱壽之辰爰  
有區宇廣慶之舉伏念臣職廉箕甸誠祝華封跡阻



列大夫班行懸心九廟躬率諸長吏蹈舞回首五雲  
伏以 慈化丕彰方頌 長樂宮千歲寶曆增衍載

屆 萬慶殿四旬賀兼元正歡均區宇恭惟 霽 大王

大妃殿下思齊太任有宋女克八域幘幘普添 王

母之介福三載裘冕克成 聖子之圖功猗歟京室

綢繆有此海屋添筭伏念 臣 按撫西路瞻依北宸身

懃崇陰宣恩為刺史之事心傾葵日祝聖效封人之

誠

伏以騰三呼於千 翟圍頌必壽之德添四籌於

六 鳳曆啓無疆之休是日濯龍如雲賀燕恭惟



王大妃殿下彤管播美黃裳居尊贊憲廟郅隆之  
治懿範柔則承太母壽考之慶愉色怡聲迨寶  
齡光濟四旬伊緝儀誕舉元日伏念臣跡滯西臬心  
懸北宸棠舍來宣縱阻進賀之列芝函遙擎粗效  
請祝之忱

伏以回三元於曆紀寶籙采光慶四旬於宮闈緝  
儀載舉喜溢椒掖禮擎芝函恭惟大妃殿下德秉  
幽貞時際熙洽儀範夙著克贊先哲后受休名位  
彌尊復值今嗣王膺運茲當萬慶殿躋壽聿見  
八域民同歡伏念臣方面周藩寸心魏闕遯矣西土

從阻寓呼之班拱于北辰粗效華祝之悃

伏以重坤叶撫五之治命申自天萬慶頌筮四之

齡時丁元日慶流邦國賀騰官闈恭惟中官殿下

絃純紹休珩璫協度六宮讚貞靜之德陰教誕敷

三殿盡怡愉之歡景祿滋至追當內裏慶四旬之會

舉切中外祝萬年之忱伏念臣聃忝宣風誠深捧日

九門槐棘從阻序拜之班五雲蓬萊遙伸燕賀之禮

### 大殿冬至賀箋

伏以四方照臨鴻業值鼎新之運一陽來復鳳曆屆  
履長之期南至之朝北面而賀恭惟主上殿下知



周萬物治齊三正如日如月如周如陵百福是摠時  
雨時暘時寒時燠庶徵維和茲當子雷之辰益膺申  
天之命伏念臣跡滯西甸誠懸北辰方面宣風縱阻  
吁嵩之列寸心愛日粗效祝華之忱

大王大妃殿冬至賀箋

伏以海籌滿十屋之數慶寶齡於長秋宮線添五  
紋之上賡玉曆於至日八域雲賀萬戶雷開恭惟  
大王大妃殿下位東朝尊主南極壽德著彤管猗歎  
周太姒徽音慶溢青邱允矣晉王母介福茲當陽生  
之節益仰陰隲之休伏念臣將忝其藩心懸華廟

五雲多慶幾切倚北斗之忱九天一封庸效獻南山  
之頌

大玉大妃殿誕辰賀箋

伏以 鸞掖報春 聖孝備千乘之養鳳紀編日慶  
第回萬壽之期頌溢六宮歡均八域恭惟 大玉大  
妃殿下大東壽母女中聖人祥運膺生商之休受茲  
介福 徽音著思齊之德貽厥燕謨肆當 誕辰之  
載回益仰用中之休命伏念 臣 西冀守甸北斗望華  
蓬萊近雲瞻 玉陛而憲結葵藿傾日奉璫函而拜  
稽



元子誕降賀箋

伏以 會有極 歸有極 方仰九五福 歟時以 聖人生  
聖人聿覩億萬年 啓運天降丕子日 值吉庚 恭惟  
主上殿下德 闡鴻圖 仁叶麟趾 承 烈祖重熙之業  
貽厥燕謀 奉太母篤慶之心 占維熊夢 猗歟 聖嗣  
之載降 允矣 邦命之維新 伏念 臣 三載按西 一念拱  
北 際風雲之慶會 縱阻鵠立之班 瞻日月之重光 遙  
伸鰲抃之悃  
伏以 宗社奠泰安之業 仰 聖母之至功 京室  
笙震索之祥喜 神孫之篤慶 四重之頌 萬億惟休 恭

惟 大王大妃殿下邁宋宣仁媿周太任膺海屋添  
籌之瑞鳳曆采光佇長樂含飴之歡鴻祚誕啓茲當  
元嗣之膺運益仰寶命之垂綏伏念 臣 方面西藩寸  
心北極聯目攸係跡雖阻於班行 邦祿載昌誠敢  
緩於蹈舞

伏以海屋添五旬之籌仰柔化之丕闡漢宮騰四重  
之頌慶 元嗣之載生 三殿怡歡八域蹈舞恭惟  
王大妃殿下仁侔任姒德邁塗娥體 重宸則友之  
心其慶克篤推 先君以勛之念甬嘏維常迨 翟  
圍報震索之祥乃鴻業有益昌之喜伏念 臣 聯忝藩



臬慶值 宗祊誠拱辰居共受民而欣抃祥凝甲觀

瞻宮闈而拜稽

伏以 椒掖撤直仰神明之攸扶 蘭殿呈祥喜

元良之誕降 宗社增鞏臣鄰胥欣恭惟 大祀妥

下德著柔和化洽茲惠贊我 先哲后王治陰功丕

彰推今 大聖人懿謨隆養克備肆當邦家祚胤之

慶益仰宮闈歡悅之休伏念 臣跡滯無藩心懸斗極

首旋按甸步切瞻依之思震堯協祥遙伸抃賀之悃

伏以辰居配極仰坤元之資生 甲觀凝祥覩震索

之協吉載奉 元子以降維庚恭惟 中宮殿下頌

播闢雖位正禰曜 宗祊之丕業寔贊誕降於萬之  
基 京室之徽音克承早膺則百之慶茲當誕 元  
良之日益仰永祚胤之休伏念 臣聃忝忝旬宣時值熙  
洽昇藩按三載之常罄葵忱而頻傾星海騰重潤之  
謠奉芝函而遙拜

以開國九壬申追上 太祖 太宗兩廟尊號  
陳賀箋文

伏以元辰進鳳紀之曆慶寶籙於 重宸九壬回龍  
興之年颺瑤牒於太廟歲方周始禮肇殷稱恭惟  
主上殿下承丕顯謨拊重熙運膺新命而御區宇東



方聖人續舊服而建正衙中興大業追當肇造邦舊  
紀爰見追上號盛儀伏念臣跡滯箕西心懸斗北守  
其土任其時拊躬多慚臨是殿慶是年攢手遙拜  
伏以頌 慈壽於三元令辰添籌海屋慶邦運於九  
回舊土南徽 宗宮 廟號加隆輿情胥抃恭惟  
大王大妃殿下長樂隆養京室徽音翊我 文子文  
孫丕承五百年洪業邁古女堯女舜誕啓千一運昌  
期迨寶曆重回於建邦迺 顯號加隆於格 廟伏  
念臣四載藩臬一念觚稜涵雨露於慈天誠切華祝  
瞻日月於文陛遙伸嵩呼

伏以朝元之令辰越三筮吉慶於邦國肇基之舊甲

周九賜顯冊於祖宗萬歲維休六宮載頌恭惟

王大妃殿下受晉介福嗣周徽音當憲廟郅隆之

治寔贊化育承太母慈覆之德克致愉歡茲當龍

飛之舊元爰見鴻禧之丕闡伏念臣驂忝方伯誠效

封人太嘉高牙愧荷旬宣之素琅函綈帟粗伸抒舞

之忱

伏以陰教著居靜停之德頌幽閑於六宮寶曆回建邦

之年闡徽美於二聖歲德在天休用申恭惟

大妃殿下慈覆寰區化溢闔壺緬先王十四載至



治助之者深際今日千一會昌期猗歟斯盛肆當周  
曆之復也爰見殷禮之復賁稱伏念臣聃丕宣風誠切  
致曝守箕子畫井之域憲結龍墀望星辰曳履之班  
縮舞燕賀

伏以 翟圃進百子之圖正值六宮春都是鳳曆回  
九壬之歲爰覩兩 聖朝加尊顯冊方揚景籙周始  
恭惟 中宮殿下德協坤厚運拊泰交奉 太母寢  
饁之安嗣徽京室贊 聖后堂構之業承祀 宗祊  
迨歲紀復回於肇基而 廟號賁隆於追遠伏念臣  
崇陰宣化葵陽效誠跡阻鵠班望五雲而憲結躬逢

鴻運瞻九天而拜稽

正朝陳賀箋文

伏以星拱辰所仰一德之照臨斗建寅杓值三陽之  
交泰三正用夏八域同春恭惟主上殿下乾健懋  
工履端出治九五福歸有極得位得祿得壽得名萬  
億年休無疆合明合德合序合吉茲當歲元之載屈  
益仰邦命之維新伏念臣守檀箕藩德蓬萊閣三載  
玉帛愧臣宋刺史宣恩千里芝函粗效堯封人請祝  
伏以闡陰教於時工亮天慈化普被添寶曆於月正  
元日景運彌長溥海歡聲叢霄瑞氣恭惟大王大



妃殿下周室聖如宋朝女堯五紀母臨措國勢於泰山  
磐石千乘孝養享天祿於恒月茂松筠當漢元會  
令辰益膺晉王母介福伏念臣將守箕甸誠切嵩呼  
萱暉駐春眉任燕賀之姻葵忱向日遙伸虎拜之儀

教廣州府留守李源命書

王若曰內廷推夾贊之材帝惟在簡東郊重保釐之  
責卿其往欽徒欲得君而治抑亦賢相所薦曠茲溫  
王舊城宴我漢都陪京山樓之雉堞周遭地比漢三  
輔重鎮陵寢之象設衛守官依宋兩京分司陰雨  
綢繆闕防倚金湯之固風雲儲胥營府須籌畫之良

惟卿圭璋令姿軒冕華閭令色令儀是訓式表百僚  
而著雅望乃祖乃父篤忠貞繼四世而蹈崇秩蒞  
送皇華之旨不憚原隰之勞哉旬播甘棠之謠已暢  
旬宣之化自初載而歷敷清顯去適不宜在今日而  
掄選倚毗非此莫可茲授卿以廣州府留守兼南漢  
守禦使卿其祇服寵命懋恢嘉猷列戈甲而盡捍衛  
之方宜重留後營體貌養財賦而備艱虞之用須增  
奉國軍規模雖昇平二百年餘寧忘緩急之日距京  
師五十里許尤貴保障之治於戲鎮鑰斯嚴咸推冠  
甲仲威望裘帶多暇庶見羊叔子風流故茲教示想



宜知悉

教江華府留守李章濂為三道水軍統禦使兼

鎮撫使兼

王若曰丙年之初會重屈衽金革於一方甲津之關  
隘增修總水使於三路由此名益重也於是威復振  
焉惟茲沁府保障之區嗟為洋夷搶攘之地臺隍枕  
水陸之會實是上都之咽喉城池失金湯之形遂被  
外寇之蹂躪西聖之御幘已邈遺民攀號於海陬  
百年之帑籍未收老卒奔竄於山谷幸當屯兵之始  
撤允宜節制之愈嚴馳月捷於鼎足山前遠絕八尾

之跡修天塹於穴口城下重數十室之空砲石之烟  
塵夫消殆神明有所佑者桑土之陰雨益備邇威重  
無以鎮之惟卿系分銀潢望儲玉塞承名閼而五世  
統圖比擬乎唐西平將門道喉院而八座崇班眷毗  
則周南仲王命粵自厯試於邊圉疇典爭能邇來特  
簡於居留予所注意茲以卿加授三道水軍統禦使  
兼鎮撫使卿其勉省重寄益恢壯圖兼統畿忠海三  
軍營幕倚臨月窟備禦英法美諸寇桀臺檣壓滄波  
破堞之荆榛初除壁壘旌旗精彩皆愛深山之薜蘿  
自衛甲冑于櫓忠義以為於戲衆心足以成城須先



安撫之政王室賴而為固必殫捍禦之方兵氣消為  
日月光無患復屯之相望儲胥長使風雲護尤貴師  
旅之以整故茲教示想宜知悉

教副提學閱升鎬書

王若曰聖世以禮樂為治運屬千一河清仙府乃圖  
書所藏官稱十八瀛選惟長僚尤係清峻冰宿儒莫  
處深嚴標格迥出班行誰是張九齡風度論思以備  
顧問須用虞世南秘書曉彼沙麓名門得此奎華仙  
品省中曾含雞舌其才則黼黻皇猷池上今有鳳毛  
斯人也世掌綵綸迺從梁翰之通列特置判花之右

班牙牌催步於紫磚人方拭目華誥誕宣於青瑣予  
實簡心云々

教公忠監司閔致序書

王若曰予惟承萬億年基業咨虞牧而出治卿以鎮  
六百里封壇明周命而使賦于時則陽春布澤其行  
也清風永懷惟卿以文貞古家令孫為王國吉人君  
子始簪筆而登玉署卓乎西清仙班亞銓衡而長銀  
臺蔚然中朝宿望解紱松壤民切攀轅之思比藝芹  
宮士服立館之懷誨接物以寬厚慈諒休々焉有容遇  
事則鍊熟通明恢々其餘地曠茲湖西全省宴惟海



東雄藩地是三輔之屏翰所賴良二千石區分百濟  
之壤理其卅凡五十餘緬先賢藏脩之鄉家弦戶誦  
介諸道要衝之界陸轉水漕通來弊瘼之漸繁矧又  
艱虞之比甚民生皆窳殆若沉疴之未蘇番警繹騷  
尤歎浮俗之難靖苟求懷保鎮安之策必待副手良  
工今推清嚴近密之臣宜任方面重寄茲授卿云々  
卿其勉膺心簡之眷益恢翼勵之圖戢奸豪而錦水  
清范孟博之登車攬轡推威德而公山重羊叔子之  
緩帶輕裘向日丹葵彈君北望之悃宣風玉節弛戎  
南顧之憂凡厥稟裁自有典憲於戲作朕股肱耳目

終當左右置諸敷乃心腹腎腸所貴上下字也故茲  
教示想宜知悉

壽進寶酌銘代作

石瓊樓在彰義門外居民掘井於樓傍得一  
銅器中有蟲酌鐫詩曰華山道士手中寶獻  
壽東方國太公云以此轉進于大內寫  
幸雲覲宮親壽于大庾君仍命諸臣撰  
進銘以

屹彼華岑蓄祥函祉獻嘒々兮下有道人坐致千禩  
數綜錯兮星紀周始瑞運重值聖乃作兮皇哉雲  
宮尊至養至壽攸酢兮峰巔羸敬閱海三涸可以勺  
兮于盖于當款識是具象古爵兮蘊渚中黃待時而



發理孔昭始兮玉泉之上樓高井深報印鵲兮歷錄鏤

銅鏤畫不斃宛如昨兮山翁鶴髮雙手擎進懽舞躍

兮載甦春酒跂堂介眉老安樂兮堂扁曰老安溜之行源

準予東維測難酌兮於萬斯年歛福錫敷神化博兮

迨辟拊頌忱菲辭蕪臣心忤兮

祈雨祭文五月初十日製進

有屹三山鎮我家邦歛雲吐霧神化維厖今茲仲夏

彌月亢旱秧未勃苗麥已枯稈下滄旻憂心如惓

予實否德神何有憾載陳圭璧庶冀冥佑亟降甘露

俾遂耕耨

右三角山

維北有嶽鎮茲神京玄功滲漉元氣淑清胡瘳以旱  
莫謀神理陰霈朝開甘霖夕闕桔槔原田望切雲霓  
咎由涼德惇彼烝黎虔修菲忱牲醴告蠲靈雨庶均  
穡事靡憊

右白嶽山

管彼之南鬱葱佳氣雲霧瀟洩草木蒼蔚炎、朱夏  
恒暘違範暫浥焦枯終靳普汎省躬夕惕玉扃星爛  
六事桑林八章雲漢通宵燔燎蒼翠轆轤惠我甘霖  
三農函活

右木覓山

湯、漢沅為國襟帶淼然靈長澤施滴沛榴夏亢暘  
我稼維艱涓涔既涸沆瀣俱慳百泉不注神且疇依



齋誠欲禱先獲霏微泂彼酌潦益修虔懋均以霂霈  
民被優渥

右漢江

祈靈報謝祭祝文

太壇剡靈寔主民穡值茲玄冬靈澤維晝同雲始密  
虔禱丕應有霽膏苗鞠豐昭證神功斯溥惠我無疆  
賽奠菲儀冀歆羶薌

右社稷

於皇列祖陟降在天中錫休祥迄用康年二麥憂  
旱侔以龍公紛糴素霽滲漉玄空膏澤維沆既優既  
渥欲報靡極恭薦泂酌

右宗廟

維坎有埤明神於赫大冬無靈仰靳靈液德媿穹玄

瑞降睚白浹日漉浮霖霖以益來年函活民頌普澤  
合莫致謝申冀歌格 右 北郊

大王大妃殿寶齡六旬 翼宗大王追上尊號

大王大妃加上尊號時 廟社告由祭文 正朔兼行

於赫 列祖眷佑陰隲玉牒瑤觴屢慶不一猗我

聖母功大儷日裘冕翊冲壽筵六袞詢謀卿士稽合

彝典 廟琬增輝 殿冊加顯孝思永言德美式闡

新正告儀明禋以歲 右 宗廟

在帝於昭保佑無彊睠茲眈末福履是將光啓 女

克齡屈耳順惠徵 靈考聲道適駿義大崇報鴻號



景鏐禮備太室賀舉 長樂我璋夙戎將奉瑤牒上

日辰吉享儀用攝

右 永寧殿

震德垂裕慶流有行啓佑冲幼式昭 靈眷壽我

太母誕育景福寶籌六十嘉頌千億爰稽令典顯號

加徽冊登 考廟函擎 慈闈情文允叶抃賀孔時

值茲正元虔告是宜

右 景慕宮

前寧惟休鞏我邦命 王母受介簾帷篤慶太歲適

丁天佑用申 慈壽靈長光躋六旬我禮則有追徽

加隆檢玉泥金自廟徂 宮時屆三元賀騰萬壽期

裡祇告誠鞠安侑

右 翼宗室

明神佑吉永茲邦錦福我壽我惠澤滲漉慈齡跖  
六洋、尾褫受祿無期翼考之思金寶焜耀玉冊  
鴻朗大德必名追上加上有事須告古禮則然月正  
辰良敬執豆籩

右社稷

故兵曹判書南獻教致祭文

惟靈清獻肖孫宜春名閥器度宏確文學彬蔚早歲  
蜚英歷駁羣顯雷聲侍講湖試掌選泮宮臯比沛  
館檐惟海常終迄燕輶載馳重擢二秩允協輿論再  
佐天官迺長中樞遭際明時既優歷試式至今日老  
成是企遽聞長逝予心愴盡伴官侑酌尚庶歆格



故刑曹判書宋應龍致祭文

惟靈詩禮承家簪纓徇世守志深確操躬飭勵篤行  
友睦餘事文藝遭逢明時策名科第厯遍府省內館  
知製侍講隻日纂史課歲遇災陳戒仰格聖眷符  
分闕海輶聘幽薊銀臺舊班桑鄉晚計卿月方燭壽  
星增哲八座耆英一初盛際天爵既崇地望收係云  
胡嬰疴盡矣長逝伴官遠誅庶歆侑祭

進贈相頌

興宣大院君本  
止祖諱東源

墓所致祭文

猗我先系種德銀潢剪桐令緒訓梓遺芳毓慶未艾  
瓜瓞用長於赫玄胄業績適皇冲渾之姿煥郁其章

早年篤學樞衣升堂家承禮集孝襲義方好古徵獻  
樂善邁蒼精施采遠玉版既藏藝遊膠序望享珪璋  
帝眷新命奕葉儲祥載誕宗英邦家之光周親倍  
敦宋譜彌彰器宏福厚既壽且臧班行超秩恩數出  
常再世藩衍蒂嘏無彊茅土重疏鼎甲相望眎予一  
休人丕運式當渭壘近代廟禧繼商積善餘曰篤不忘  
追訪上相曷云顯揚祇謁仙寢地近堂坊楊山之  
麓松楸森行庥承葛藟敬存梓桑霜露增感緬懷雲  
鄉爰遣宗臣恭薦侑觴情禮適申庶歆苾香

壽君春

珙

致祭文



惟公懿德宗國之英姿挺俊毅性稟粹貞歲丁柔兆  
心係宗祏疾由憂棘裁因時革貞哉文惠母隨子劉  
春悌越峽神陪規撫秋江梅月操同迹異迄五紀餘  
命祀追嗣芳流石室系炳銀潢蹕路西垌松楸連岡  
睠焉興懷惟予攸欽忝官侑觴靈庑願歆

故吏判忠肅公李<sub>世華</sub>賜祭文

有懿遺直邦國之英禔躬清介秉心固貞遭際<sub>甫</sub>  
廟彩纓臺者<sub>婆</sub>彩下移尺疏扶正雷霆斯厲日星  
愈炳荒陬霜雪老栢孤挺惟朴與吳死生<sub>言</sub>名桂輪  
重光天衢乃亨位竊冢宰德邵望峻<sub>帝</sub>維壹惠百世

斯準載值舊已瞻懷起欽仰官致侑靈庶願歆

祭茶村李丈錫會文

維年月日靈川申某謹再拜哭酌于茶村李公靈几  
之前曰嗚呼先生一別幾時頻仰六墟浩茫無涯在  
天文星產地靈芝大勻坎北曾無阿私惟善常報為  
惡于罹難謀者命實是反而六旬一寢喜歎伊疇塵  
界膠擾阪途漸崎顧瞻周行夢然施蕢霜雲賀之谷  
蘭早萎九年丁憂筋槁鬢絲孝格高穹堂有壽慈橘  
林無實荆樹異枝原窶樂仁董隱行宜井渫水幕檀  
伐河濟俗累世故所性易移彌堅彌潔弗羶弗緇濱



水溶滴楊山嶮差貪泉可爽壠雲自怡數畝田園松  
往菊籬左往右史一觴一棋坎廩堙鬱貴為文詞竟  
慙幽澹華采陸離油、陶、謙牧以界鄉稱善人士  
歸賢師時四元始聖運方熙廷顧有俊野菟無遺選  
注終舉名登天目適去乘化胡遽至斯嗟惟不佞仰  
契心期蘿葛相附張駟願隨若壘照冰以鐵引磁朱  
夏荒茅雲栢結貽忽忻隻來於恠神瘦水宿烟瘴痞  
鬱澹澹促裝言旋江路尋醫灾由无妄謂當則夷頑  
彼二豎忍能終欺臨殞訣書自力叙辭萱老暉薄釋  
稚風靡瓊瑰滿懷毫墨猶滋萬念寧空生者獨悲遠

托增聲奉言勿虧展矣恭人貞性淑姿寃苦纏綿內  
錄外漸晦魄再出諱音緬之雙鈞同隧傍路涕泗哀  
哀胤孤柴毀廉支孰遠籛金懿訓是垂清芬未歇循  
除蘅薜淒秋風露我行逶迤空裸寒月娟々水湄入  
門長跽圓無聞知箱帙依舊莫覲容儀情違攀緋塗  
遠臨歧感尤悵觸清淚交頤薄醅漬綿聊奠一危精  
爽不沫庶冀鑒茲嗚呼哀哉尚饗

與李上舍肖淳書

送君者自江上還知君已渺然去矣乃獨放杖入室  
收捨巾架視是君所共也筆是君所共也書亦君所



共讀也。至如憲几，追席莫非君所共坐卧之也。而自  
君別後，惟我而已。能不黯然憶曾相從窮苦歡樂優  
閑輓擾之與同。與夫風花雪月水竹之處，君未嘗獨  
往，我未嘗孤還。形影若隨者，至今數十年。餘宣料落  
落，以是仲夏日初，長閉戶，孤居門無剝啄，蒼蘚滿階。  
睡起無聊，憑空徬遠而坐，忽有長鬚入門，乃君家蒼  
頭。因事至，舊術知吾平昔深誼，故能於倥偬中歷見  
也。便欣然一笑，先探通來安否，就次聞驪江風露良  
嶽烟霞移，飄解纜倚榻引觴之樂，儘是清福。况素梓  
舊里親戚朋知，比洛下必多所共携筇引袂對追酬。

觥而冰壺點犀澄然相照者凡幾人亦有牙絃郢歌  
知音而相和者予能不寂寞否時因風便願聞餘響  
所寫羅大往山居誌一截是君閑中事爲付牆壁  
時或乘醉寓目可作下酒物也不宣

送李友渭在敬老入燕序

吾友李君敬老個儻有氣節士也病於臺榭年四十  
而早衰嘗攬鏡自嗟曰生在偏隅旣不能泛大河躡  
嵩華以盡天下之觀又不能逍遙於域中山水火拓  
塵懷日吟呻衡茅下髮如是種々白孰謂我男子身  
耶已而東遊蓬萊閱序而歸病稍痊顏敷腴自是益



有志於歷覽也是年元正國有嘉宴選聘燕之使事  
鉅任重朝廷雖其人端揆李公特旨命為大行人  
於君為從大兄旬日將登途謂君曰今吾之行須得  
一士與俱而吾弟善病惜乎其不可強也君欣然曰  
謂吾有文辭才淺可贊專對則非曰能之至於歷長  
途隨駟馳憂難相慰於原隰之際固不敢辭況幽薊  
以北長城易水之上往往有悲歌慷慨之士可與傾  
蓋而語且其山河宮闕閭市衣冠之盛雖異於周漢  
舊都猶足以大着眼誠以是願往焉病何足言遂俶  
裝而出惟巾服牧事文房茶酒之具而已固知君雖

而非過密時必不以厨傳聲收之屬累諸心但恨聘眺  
處無歌詩以寫懷也所冀於君者此行以還滌蕩煩  
鬱病應惺々仍可放意林泉永蠲懷受否第今聖  
明履元賢材是求以蘇我民生之捐瘠而宰相之薦  
君也久人士之望君也深竊恐繁憂細務將集于君  
之身病益瘁也嘗甲子孟陬愚弟中某僂病于瀛館  
寄禱書代郊餞因叙其實云爾

竹秋李侍郎會淳回甲壽序

壽酬也天所以酬有德也自古世德之家克享天壽  
者牢落相望而粵若大君靖孝公以邦國宗英胚休



毓慶司徒龜村先生作格人元龜于中興之朝是惟  
先世長德之卓然者也今宗正卿竹秋令公以龜老  
雲孫承先侍郎庭訓居家友睦立朝清直藹然有常  
時雅望詩之所云宣第君子遐不眉壽者於斯見矣  
歲辛未中春之既望是公周甲之誕辰公之弟耕石  
侍講長胤中書舍人與子若松若壻擎華觴稱壽延  
賓友滿座迭有善頌公笑曰回甲燕喜上古無聞而  
是我二親劬勞之日且吾從此入老只當感慕而慰  
悃焉何賀之為少友有申某者歛袂而前舉觴而言  
曰哉孝公之終身慕也若夫悃老則有說焉人生百

歲曰上壽八十曰中壽六十曰下壽自六十以上始  
可謂壽也然後老也宣為惇哉公之生之歲于今三  
百六十有六甲子天軌循環將周而復始而適當一  
元休明之運進焉而黼黻明廷退焉而詩禮家聲入  
室則琴鍾協矣聯床則唐棣華矣玉樹芝蘭輝映于  
階庭而與之燕胥者又皆冰清而玉潤松茂而柏悅  
凡所稱吉祥善事罔不畢致所以致此者惟公與公  
之先公之德膺穆于天而天其酬報歟且以公之貞  
固慎起居常嗜欲自遠乎疾疢而身其康彊則遐年  
之筭有不可勝揲願安得不賀也公既執觴耕石喜



而疇之徵文于某遂叙所告之辭以寓祈祝云爾

玉堂辭職疏

伏以驟躡清華廉防所愧謬蒙簡拔義分攸畏况  
經恆之任遴選為難豈可以偏寵濫恩輕易授受臣  
本庸瑣百無一能而不自知量隨衆應舉至於獲竊  
科名卽是僥倖偶中耳聞喜之日臣父謂臣曰汝以  
單陋謏寡濫取科第進不足以應世務退不足以承  
家規冥行之誚苟祿之譏固所倘來將何以為顏汝  
其戒之懼之勿以驟進為心儘力於學業毋違聖經  
學優則仕之旨也臣於是時怵惕忸怩不知所措躬之

所而區、愚計竊以犬馬之齒未及強仕之限從今  
以往稍能用力於古人緒餘賴天之靈得免面牆而  
不終為棄材則始當進身於班聯之末少效驅使之  
責尚未晚矣不意放名終畢遽承 聖旨謂臣為乃  
祖之孫特授玉署之卿臣聞 命震駭惶汗浹背感  
戴未已憂蹙居先夫登瀛之名峻極一世苟非名流  
時望孰可竊吹濫巾雖使臣屢試地步靡以歲月循  
途而進猶不敢夢想至此况釋褐曾未浹日起登瑤  
籍昨焉而風雨場屋操觚墨於腐儒之間今焉而山  
水垣壁珥蟬冕於列仙之班簪花繡袍紫誥銀牌炫



耀一時拊躬却顧如醉未醒臣是何人叨此恩命  
且以臣愚昧之身冒進館閣橫經史而備顧問則  
不過馬牛之襟裾而鷹鳳羞為之侶也其為名器之  
污蠱清朝之貽累當如何哉此臣所以寧受連慢  
之誅而不敢躡屣也倘蒙聖度寬假曲垂體下之  
仁收還格外之恩俾得就閑修業稍服庭訓幸有尺  
寸之進益而可圖塵刹之報效則此實愚臣之至榮  
大願而亦莫非我殿下玉汝之盛賜也臣雖至愚  
敢不銘心而鏤肝茲敢矩章自陳罄暴棄悃伏乞  
聖慈俯賜鑑諒亟許鐫述以安私分以存公極不勝

幸甚臣無任祈懇屏營之至謹昧死以聞

玉堂乞郡疏

伏以臣姿性瀟劣學識空疎微才薄能無一稱當侍  
科濫聘有百羞愧况釋褐未幾驟登瀛選金華詞掖  
固非尋常之地玉籤徑帷不遠咫尺之天榮寵已  
極祇懼如存何敢不揣涯分要有沾丐之望第念臣  
父年今七十有七矣晚景桑榆退處蓬蒿舊班簪笏  
幸有養閑之暇每歲米肉若荷優老之典此莫非我  
聖上洪恩休澤而比年以來屢遭逆理之憾自多盡  
傷之累癰病成痼氣息凜微危迫之症朝夕備至熏



灼之憂晝宵靡間惟當以甘澍之供補益之方調護

保養庶冀年壽之稍延奈此家勢屬空生計拙滿瓶

疊俱罄稻粱何嘗恤日而殮菽水不繼對証之劑夢

求未試空負舐犢之恩未盡哺烏之歡似此情私吁

亦悲苦今值聖朝孝理之辰不宜以踈逖之蹤自

阻於仁覆之天故茲敢不避猥屑悉具懇伏乞

聖慈俯垂矜諒特命選部畀臣一小縣俾以廩餼

之餘獲遂便養之願則臣父餘日即殿下之收賜

雖甚愚鈍敢不感戴思造思盡報效之誠也臣無

任祈懇屏營之至謹昧死以聞

副修撰時往出時疏

伏以臣父年滿八袞衰癯成痼兼以溽暑所崇積疾  
並肆氣息凜微委頓床第臣之情理實難期須離側  
而豹直久闕 召牌若降義重趨走匍匐入就者今  
至屢日矣夙夜一念憧、不弛之際即接家信則症  
勢彌劇但臣常視臣自聞此報方寸煎灼按住不得  
茲敢忙陳短章徑出 禁扃伏乞 聖慈俯垂鑑諒  
亟遣臣所常辟將俾便救護仍治臣擅離之罪以肅  
朝綱焉云、

玉堂乞養疏



通訓大夫行弘文館修撰知製教兼經筵檢討

官春秋館記事官文臣兼宣傳官臣申獻求誠惶誠

恐頓首謹百拜上言于主上殿下伏以周宗

宅恤亮陰閱序軒邛叶兆因封有期當此普土

含痛之日實非微臣言私之時第伏念臣父年父今八

十有一癯甚哀極寢興食息居常綿綴調養之方惟

待滫瀡對詎之劑專仗刀圭而蕭然環堵瓶罍俱罄

蓼朮未試於滋補菽水不給於常供為子道墮肘躬

慚歎頃占幸科便失所恃未登天門之榜已纏風

樹之感由此一念尤切於知年之懼而少伸反哺之

誠以報願復之恩是臣之畢生至願也方今聖明

顧元日臨法筵先講孝經以明先王之至德要道

是誠萬化由是之會而臣以陋材濫叨擢經之列屢

承願問必以孝理為本固知聖心攸在將使舉

一世為人子者各盡孝養之道而得其歡心以奉我

慈聖殿下也臣雖愚陋亦是教化中一物則不宜徒

存嚴畏自阻於仁覆之天故茲敢冒陳章悉暴

衷懇伏乞聖慈俯垂矜諒仰稟東朝特命選部

卑臣一小縣以其廩庖之儲獲充甘旨之具而使臣

父得保餘年以見德化之成焉則亦足為一初盛



際導近祥和之一端矣臣無任祈懇屏營之至謹昧  
死以聞

亞銓辭職疏

伏以帝序易道炎涼互嬗儻忽之間孝文殿秋享  
奄過仰惟嚴廬疾戚累增撫時之感仍伏念臣姿  
性鹵莽器淺淺矩凡百執事無一稱能而叨逢盛  
際滾登宰列前後厯敷罔非踰濫蒲柳之質漸至摧  
謝樗櫟之材益就蕭散跼伏窮綺甘分守老夫何  
聖明不遺過加拂拭涉春徂夏除旨聯翩臣減感  
戴洪造惶蹙居先伏况小宰為六官之碩政人操

八枋之取可否之與聞而甄別人材擬注之承攝而  
銓衡物議其為任也若是綦重苟使庸愚如臣踈闇  
如臣者竊吹濫巾冒據匪據則梁鶴之服衛鶴之軒  
不足以喻其不衷而在朝家慎簡之義尤當何如  
哉頃於是職猥承 罷命雖即遞移追惟至今猶尚  
怵惕而豈意復蒙 天點使名器再沾濫 恩重冒  
也夫匠石之斤不顧支離屈轂之鄒只合棄置而初  
不量度遽受礮斲上累則哲之命下負其難之任則  
不但為舉世之嗤點一身之骯骯而已臣以是參倚  
前却不敢以趨走為計而見今改 牌儼臨承膺無



路自底通慢之誅不勝罔阮之私茲敢冒悚陳章悉  
暴棄懇伏乞 聖慈仰稟 東朝劃賜鐫免以重官  
防以安私分焉臣無任瞻天仰 聖祈懇屏營之地  
吏曹參判辭疏

伏以臣猥以無似之蹤冒叨不稱之任違 嚴台而  
罪未勘陳情懇而 命不獲休畏義分感激 恩私  
黽勉承膺今有日矣自知不堪人謂斯何間嘗一番  
代斲而公格所在曾未檢察循例備擬自悞顛錯以  
若踈濫得免謹何卽是倖逭焉耳夫量材授能明政  
之所慎竊位苟祿廉防之所耻前旣暫試鈐刀無望

於再割終乃久憊棧豆不決於一去則臣身寔踰猶  
不足恤而其奈聖簡之益累公器之愈玷何哉加  
以年衰病痼氣血凋瘵譬如潢潦之水已竭於朝夕  
枯朽之木不榮於雨露而今當金火之交又添溽暑  
之崇積痞上衝滯泄下注當食則暈眩不能啖欲起  
則委蒲不能振貼身床第四到不省顧此形証實無  
以強自彈束而銓錄之地不似閑漫每有改命庚  
牌屬降既積逋慢之誅累增尸素之懼茲敢不避煩  
瀆申暴情竇伏乞聖慈諒臣至懇仰稟東朝亟  
遣臣所常吏曹參判之卿俾便公私之地千萬幸甚



臣無任祈懇云云

亞鈐辭疏

伏以 寧考之聖節載回於乎不忘 真殿之侑獻  
是親愀然如見況當 嚴廬宅憂之日爰有 仙寢  
展誠之期舊感新愴大小同情仍伏念 臣猥以駑姿  
屬被 鴻私濫紆榮光則土苴而文繡褻汚名器則  
圭璫而潢潦徒承雨露之恩未效涓滴之報拊躬却  
顧如癡如醒而至於鈐綜之聘尤豈所稱當哉辭不  
獲 命冒昧承膺伊來一兩月間居然三代斷而  
見識既闇瘡疣隨露私心惶惑猶不暇論舉世嶮巇

固所倘來兼以桑榆之境急景已催蒲柳之質早秋  
先萎殫冠束帶暫若席強伏枕頓床便常委蒲而趨  
走班聯之餘失攝於炎涼之交觸感而痰嗽氣喘挾  
滯而膈痞腸泄夜則輾轉失眠朝又暈眩不省以若  
疲輒有此証崇實無以強自驅策且屢試蔑效只連  
罪戾而猶復蹲仍不思決去卽義分之所不敢也茲  
陳短章悉暴情實伏乞 聖明俯諒微懇仰稟 東  
朝亟遣臣所常駿名俾公私兩便不勝幸甚臣無任  
瞻天仰 聖祈懇血祝之至云云

泮長辭疏



伏以臣姿性庸鈍器識淺劣譬如樗櫟之材不中繩  
墨土苴之質不被文繡而叨逢盛際猥蒙恩造  
前所歷踐已極踰濫今茲新除尤切悚惶夫成均之  
長為任綦重比其後分典樂之教胄子也考其制分  
國學之存游侔也自昔掄選之規極其清峻苟北鴻  
材雅望不可擬議而前輩雋碩莫不逡巡退讓未敢  
造次承膺况豈如臣竄下所堪稱當者乎且師儒之  
地文後居先而臣本謏寡轉益荒嬉雖尋常觚墨之  
間猶未嘗從事直是空一沒字碑也耳今若竊茅濫  
巾厭然受臯比之席對章甫之倫分非但有笑于列

者將使一世之人唾罵姍悔曰之人也為是職也雖  
欲抗顏自居其可安乎 朝家所以官人慎簡為重  
入臣所以進身量入為貴官人而不惟其人進身而  
不揆其身上累則哲之德下冒匪授之名則官防由  
是隳換公器由是玷污非獨賤私之翫骸而已其將  
如之何哉 臣以是參倚前却不敢以趨走為恭而  
召牌之下彌增惶慄茲陳短章仰瀆 崇聽伏乞  
聖慈諒 臣由中之懇非出歸外之辭仰稟 東朝亟  
許鑄免俾便公私之地不勝幸甚云、

進嘉善階辭疏



伏以坤裳叶亢吉之屯星軒著潤歸之祥禮成舟梁  
慶溢 宮壺中外臣庶蹈舞胥欣以頌萬億年彞彞  
之休而臣於是時猥忝喉舌致 命崇阿祇將物采  
趨步於彩雲香烟之際周還於歡聲協氣之中榮已  
極矣幸莫大焉忽於夢外叨承 恩命進 臣嘉善階  
臣奉誥震懼直欲循牆而走夫虞車之庸明庶功也  
殷筭之裳命有德也苟不惟其人即何以堪承矧茲  
惟月顯秩參貳上卿班品既峻遴選必慎實非如臣  
卑微一分近似且臣過蒙 恩造所厯敷罔北冒  
濫近者塊攬尤無漸次數朝三遷偏被 龍光百鞭

一步不勝駑力而仍值慶會只以爭覩為夫此有勞  
勩可託乃行匪常之寵欲報匪常之績茲益惶慙  
莫知措躬之所也臣本畸薄早纏風樹之感雖沾榮  
祿靡所洎矣今若推恩貤贈庶遂至願願何暇蔓  
辭歸讓而奈此蔑裂太不襯停官防不可屢懷輿論  
不可重拂故不敢越承自扎瀆擾之罪伏乞聖明  
俯垂淵鑑亟收臣新授資級俾公器無玷私分獲安  
焉云云

辭特陞資憲階疏

伏以南殿奠約聖幕克伸西郊迎丹顯光彌章區忱誠



幸得与大小臣庶奔走欣忭只切同太平之願矣迺者臣等恩命  
親授資級進臣資憲大夫臣奉詔震越莫省收措直欲循牆而走  
也臣本以斗筭之材未有襍線之補而虛糜寵祿屬玷清蹕  
常不兢惶靡有心属且又年衰病痼頭髮盡宣筋骸全萎惟宜  
鈴束蓬蒿以畢餘生而後以感激洪造未敢言私故於復忝  
廁於班聯之末叨承於任使之地至或趨赴政堂与聞軍國重議  
苟有微材庶幾可以裨益不當比外警繹騷之日豈不思寸心輸  
丹一言達白以解我重宸宵旰憂勤之念而奈比國質衰差  
充耳內自循省只益慚惶有臣少壯當即屏置夫何隘恩謬  
及於是也況八座冠袂与佐貳迫殊邇有聲望久儲者疇或

冒授而官陳其防國將何賴負乘有戒必為身灾智癯無別  
思累 聖簡<sub>臣</sub>以是參倚前却不敢晏然承老庸陳短章仍曷  
裏退伏乞 聖慈俯軫輦轡之義亟下鑄改之 命以重公器  
以安私分焉云

辭判義禁特授疏

伏以 寶錄維新 慈壽誕臨於六旬 瑞牒載賜 聖孝深  
光於萬世迺於月正吉日 親臨法殿千宮山呼百禱川玉雖跛  
臂癰疾之人莫不懽欣蹈舞以頌我東方無彊三休而臣亦以  
熙朝老物獲忝班行昵瞻盛儀於祥雲瑞日之下燕賀終畢鰲  
抃而退竊願以稀縣歲甲之數仍涉海屋萬一二美以伸獻祝



之誠矣。忽於夢想不務之際伏奉 恩旨特授臣判金吾之卿而  
超進二階遂躋一品。臣於是愴悅震越莫省措躬之所而只覺感  
淚之沾臆而已。臣本孤畸半世窮蹙晚竊榮進深恐卿班已是  
素望之未嘗自期而年來恩渥淪浥決髓以枯茅而膏潤之冀  
土而坊慢之厯數華騰奄至至尊之列自視謫劣何以得此曾未  
歲月又被殊私遂致崇秩過福之裁猶屬私分偏私之地特累  
聖簡况如董工之勞懋賞之典而只因廣慶之會軍惠之日受  
恩曠絕躋等元高公朝家建官於何取防人身進身於何立廉臣以  
是不敢晏然自居冒陳短章仰暴裏情伏乞 聖明俯垂鑑諒  
畫賜鐫改俾上無濫授之譴下免冒授之罪焉云云

亞銓辭疏

伏以<sup>臣</sup>之蠢疎謏劣不惟自知之審抑亦人所見源而厚被滂歸  
以朽壤朽株之朽鏝雕鏝前後厯敷罔弗踰分千萬不自意亞銓  
除旨又下於待罪春曹之日且惶且恐益不省措躬之所也古者官  
人於朝綜名數實高功程能見其可授而授之然後聘司修舉  
官箴不興今臣之名實功能一見可而通來思授殆不親傳三  
銓之忝叨貳卿之濫竽終為一著件者駑力疲於驟步鴻私過於  
塊冒恒自慄慄若涉淵冰矧茲見叨之任綦重且要注擬之代  
斷乎平衡焉下通塞之典同分甄別清濁而四選移法九流品藻  
臣既茫昧可謂素聲瞽以審音辨色者也畢竟僥倖猶屬<sup>臣</sup>



身貽累 聖簡涼那細故其何可貪榮慮冠不自揣量厚招苟  
充之詩甘自歸於律進之科也哉臣以是歷日兢惕萬全承府之望  
矣開政有 命牌望涉阻雖不得跼蹶祇肅而廣緣仍冒尤非義  
分所敢出也茲控衷懇仰 崇嚴伏乞 聖慈俯賜鑑諒亟  
遞臣新授本將俾官分去棄賤分獲安焉云云

吏判辭疏

伏以古者聖王官人於朝必求輿論之所協材具之所差皆曰可  
而見其可然後始乃置諸其官故官能裨治弘道以貞于太平而  
雖至凡百執事臣尚為然況於大冢宰之職之重乎而離位著  
之人缺而臣可補寧不必備不可不惟其人況於臣碌庸拙揭之

度林立於朝之時乎願今 聖明在上建中建極一政一事一節一  
令粹然各不出於大公至正而四方臣庶方且拭目延頸以共瞻聆  
此又何如日也乃於此日此時天官之重職不詢乎輿論不揆乎材  
具特拈出一介賤臣之名遽以中批授之臣竊愴恍震越循牆  
欲走鑽地欲入而不知措躬之所也除旨一下群聽駭惑天日  
若私覆照雨露若偏膏潤 聖明所以榮臣寵臣者不暇為臣之  
榮寵而徒累 聖明之政是誠何以哉臣本謫劣兼以孤畸樸櫟之  
質不任斤斲款段之姿不足剪拂而猥蒙不世之 殊恩朽株朽  
朽遇陽春而昭蘊寒衡疲鳧進亨衢而騫騰於焉不幾年間  
奄為崇班每自思惟感極而涕雖欲彈竭菲忱以效塵刹之



報而犬馬之齒已迫淹臨符到有期圖跡去日耿微衷唯以趨  
走為恭故有命輒有不顧廉防者多矣第今新授之卿即周庭  
六聘之長漢宮三孤之次銓衡輕重激揚清賢愚之進退係  
焉臧否之甄別判焉世道污隆一於是而由焉則雖使臣鰥身瞶不甚鑑  
淺益差克體恢蕩之衷足贊平明之治尚恐不逮於人矧臣之鹵莽  
癰疽將不勝肩仔徒悞濫冒而止一世唾點臣身臣身四維拚棄臣  
玷圉器臣以是不敢浚以竭蹶為心而政牌儼臨轉益惶隕冒昧  
陳章仰瀆崇嚴伏乞聖慈淵然臣鑒察臣情之非飾外讓  
諒臣言之實由衷懇亟收臣吏曹判書特受之命俾便公私千  
萬幸甚云云

三銓辭疏

伏以臣於鄉閭踰勢之中忽伏奉 除旨以臣為吏曹參議者室  
家相喜隣里來賀邱壠桑梓亦被恩光而臣心悚慙尤倍於前  
惟覺有感淚而已傀儡一身為世唾點系統之染良可悲也冀土  
之壤寧堪坊乎自今平生最居人下清官顯將視若良限踰寵  
濫恩尤絕偉望雖 聖恩浩大如慈父之育而子而愛之欲貴撫之  
使安其奈大防之難越衆謫之莫遏何哉頃以承宣膺 召豹直  
依舊祀光逾新反顧踰躋如增大何幸而恩褫之日旋歸衡巷  
謂差永謝清塵沒齒混跡於耕漁樵牧之間豈料謬恩復及  
於此而今茲新啣尤宜萬一分近似也遴選三峻將目之重興



夫材器三稀不稱於不敢張皇論引猥附恒人選讓之辭而唯  
所恐者清朝官聯由臣而詰累職世廉維由臣而壞裂也聞  
命以來晝宵悸懼不可晏然自在故來走城闕跼蹐徊徨之  
際改牌儼臨呼望詔但乞所容旋不得已趨南恩徐至於改  
注之代斷而歷日思惟采切兢惶茲敢冒進短章竹瀝崇嚴  
伏乞聖慈矜諒而鑄改之俾銓職無忝菲躬獲遂焉云

三銓再辭疏

伏以無狀小臣曲被拂拭三見雖令比於水人亂斃已甚遽條不鮮  
抗顏於世甘受重罰而已拊躬自顧此何人斯忝叨見聘今焉三閱  
月而年矢亦換矣始既冒按匪授又扣可久而久不知謫所在孰

不噴點銓綜之地參座代斷俱極踰濫至於享官分差臣所專管  
而罪著不職惟承同備而止有恩如天措身各地列臣羸弱之質不  
嬰貞疾雖閑常自在時少失調抵百病交加苦歎音嘶而班聯趨  
走之忤旅寓棲遑中外受寒感內添熱痞頻忽暈倒以若見  
狀實無以強自彈束而晏然偃室一直虛糜尤心累分之以不敢  
出故不得已冒昧陳章恭瀆崇嚴伏乞 聖慈諒臣至懇特  
許違免俾得擔還鄉廬安養將息分不第公器之不久玷抑亦  
私分之所所相焉云

雷異應 旨疏

伏以天時愆和災沴流行即聖帝明王之所不免時君世主之



所當警也故堯有九年之水湯有七年之旱至如日蝕星孛山崩  
川竭之變種之不一史不勝記而其為彼因忌事此為忌忌多出  
於俗儒之傳會術家之詭愛其理茫渺其說穿鑿雖不足引而  
為證但由使盛之災轉致祥治界之祥轉召災鑑柯既明軌躅可  
尋寧不戒懼也方今一元之初萬化伊始綱紀修舉烝黎蹈舞  
庶幾景星卿雲和風甘雨之瑞吉不單至而泰之何青臺雷異  
之報反在水火時也推以首序冬候未屆天地氤縕之氣不盡升  
降陰陽推歛之際或致震傳而第以我聖上敬天之至意頃於  
稔歛之時猶以轟燁之異惕然省躬炯然求歲况乎純陰之月又  
值朔虛之日有此驚震之若至豈可以適然置諸尋常而已乎

驚疎

臣始聞有殷之響實於宵冥之間蹶起警悚繼以憂惶竊寓

旅賁之規擬陳狂瞽之說措草未竟先承聖旨警寢之辭延

訪之教十行淳復壹是懇惻臣於是雙擎莊誦激于中情不覺

喜心之先發嗚呼仁天之警告我殿下其必有言殿下之仰荅

于仁天亦當有道至鄧隆之化與解之治法易治而災不為災謂

祥也而宜冒不休哉但自古遇災之日必曰恐懼曰修省而災至則

懼災去忽以久而不以安故天不宥而災不弭夫在天之災弭

災之方宜在乎奮發志氣淬勵精力以懋聖學然後施諸

萬事而萬事成焉董諸百官而百友正焉今我殿下日臨講

幄朝晝召接時敏之士日新之德非敢曰不至而第求審清澁之



暇閱蠹之中所嘗深玩而潛究者何如沈覽而溫習者何如人主之  
一心一念天必有所災祥隨之抑幸操飭之不能致實有時悠忽以  
責躬求助之義便歸虛文而止可不念之哉竊見近日法紀方振而  
清俗未靖敦台屬降而遠賢尚多嚴賊賄之律而墨吏不知戢  
值豐稔之歲而養生不能節縣邑之苞苴行科宦之紛競不息因  
此推之豈止安心之末字而上載之丁寧告戒至于再三安知無以本而  
然欣古語曰有災愛我亡災是我皇天所以眷祐我家 邦殆多  
申之不已者其心無心有極至治將興之故也耶伏願 殿下益  
勉深省實事求是以興學業以修政漢王年沴不期消而自消祥  
和不期臻而自臻萬億年无疆之休實基于今日矣以臣寡昧雖

無昌言之足聽而焯、愚衷不容泯默於體  
之惴惟 聖明澄省焉 詢覈之義敢效獻箴

雷異應 旨劄

伏以月紀純純序窮黷歟有非震霆鼓物之時而殷之之響微發  
於疇景始雖驚竦竊謂既剝之陽尚敵辟陰二氣相盪適然有聲  
而已玄冥之帝今焉聿降青臺之報又何若至也以我 殿下敬天之  
至德過自揜抑避法殿而減膳撤樂誕數十行三倫恢受百僚  
之箴憂愛之餘拜手莊誦實不勝欽仰之至嗚呼天人一理  
至甚明畏象由事臣曾不舛差未審 聖明之世抑有何事三  
收失而澄源正本之地天使猶未純欽立政造法之間天工猶



未亮欣誠身謹獨之際天命既未勅歟臣等愚昧雖不敢指證  
於玄遠之理第今凡俗之未淳綱紀之未振貪墨之不盡戢奢  
侈之不能祛皆足以致天之鑒而此唯在 殿下轉移間耳人主  
一心與天玄同貴而隨之捷於桴鼓誠哉穆然而深省凡於燕閑  
之暇燭燭之中必以正心為本而終始典學懋昭大德以之振勵  
百工俾遵座廟之規導率一世克崇勤儉之政以固綱不期振而  
自振民俗不期淳而自淳盛化郅隆太平可致曷不依或易曰震  
來虩虩恐致福也今因仁天之戒若上下交復克盡恐懼修省  
之道不反災為祥休福自臻矣伏願 殿下勿以人廢言留  
神而澄省焉

上願學祠院長右揆任公啓

竊伏惟古昔盛世明良相際崇德而尚賢揚顯而闡幽以貢彰儒  
術弘贊聖化故先賢遠直咸得以表章世教由明師道由尊存  
而當時所景仰後世所模範也生等謹稽故弔衛畏菴李先生  
諱棧以天挺醇儒卓然為一代宗師踐履之篤宗造治之微妙有  
冰炭見薄識所可窺測而玉行懿德根乎天性敬慈母而承乳  
跪吮慕宣尼而揭象禮拜此先生姿質之幼悟也終通大學一  
章便以明德新民為己任而耻習功令專心理學造次云為自然  
合道此先生志業之熟就也先生家多躬樵以養偏親而甘  
旨無缺侍疾九朔晝行繭足夜坐懸壺醫藥之方扶護之膏



焦心竭力人無得替其勞既丁憂殯始糜粥葬始鹽蔬盛暑裊  
經汗漬腐爛隆冬苦幽肥凍較圻柴毀嬰疾終身貞固痼此事  
親之孝也先生安於高履不求聞達而薦剡除敕迭舉屢降  
則時乃感激罔錚不以官界而少懈西朝書追至誠隆沃非竟  
舜之道不敢陳於前而體元之要慎獨之首理欲存遏之訓誠敬  
同異之辨典夫尊王黜霸破朋侪佛等語作極宸心禪蓋弘  
多每廟社大享三日齋沐罔忌不行高寢外雖病困時未嘗  
或廢此事君之敬也先生外莅郡縣克廉克謹至和玉簡興  
學校明孝悌恤孤寡伸冤獄以教百里太古之風有孚惠心及  
于鄰民爭來願耕于野此為政之仁也先生守道以誠克己以禮


辨邪正之分薰蕕明義理之析毫釐一刀兩段無所回互濶異教  
如溪聲美色之或易浸染持道心如深淵博水之惟恐失墜泥之以  
水月之明藏之以堂室之奧而寓言會竟日有創紀哀成卷褒  
其他經傳疑義之解本心太極之圖敬教思問之銘講名順志之  
論存明之箴理氣之說自警之銘莫不由而躬行心得而妙契疾  
書以牖後葛此用工之篤也若其奉先之儀祭乎古經御象之法  
垂諸遺刻善俗之規明於溝會以至冠昏喪祭之禮兵刑士農  
之制日月星辰之象教之幽遠山川風物<sub>土</sub>民物之殊同纖悉無遺體  
用備具本末並該先生之水學可謂博洽而觀夫秉化之時咏仁  
之句平生平道體之真正又可得見矣嗚呼溯乎前脩之攸



程專門學業各有師受以入于闔域而先生不資私淑得於  
經傳之文優餘涵泳直貫道源此乃聖門所謂良知而天之所命  
者耶然而得位次且或進或退達焉而黜黜明廷未行其道窮  
焉而單瓢陋巷不盡所采將作監之薦除江寧之知縣崇政之  
說書只使之屑焉何足以稱于德也粵在英廟癸亥因相  
臣啓達而追念甘盤之舊调用其胤嗣正庶丁巳依溝齋遠扁而  
營建新學之祠安俸其肖像光朝尊尚之念不敢謂不至後學  
瞻依之誠宜若以少伸而貤贈不加於官秩恩額未揭於院宇  
伊來百年未遑而薦紳章甫之茹恨也久矣今我閣下遭遇  
昌辰位尊鼎席聖明之所倚毗朝野之所期望而且居院儒

之長安任衛道之責如誠 邦家之興運師門之慶會也茲陳  
先生行誼道德之實恭俟裁聽伏願 閣下進徹九重以清廣  
崇之典而庶幾天日之明照燭幽隱先 命以贈官賜謚繼施以  
建院宣額庸答群情之瞻望以禪一治之休明也但無廟於  
邦典實以有章於如文而梅凡教於四方揚休光於千秋吾  
願不美歟生等不勝懇祝之至謹共言氣以稟





遊白蓮菴詩序

西城之西直抵西巖有邨曰淨土邨之北曰白蓮菴地甚幽敞有  
長閑雲林石閣前枕大江可以棲息而眺覽焉余嘗講書借榻於禪  
龕時有僧幻空者能文識善葆鑑以浮屠說喻古今詩格曰魏晉  
以上以觀音現世得其上乘三唐詩以五百羅漢頭以是佛而真  
諦無訛宋人詩以老閣黎肩著錦袈趺跏念偈而露却龐腫至如  
近體以不過是窠頭施敲磬呪佛只堪与村物孺狎洽痒癢而已  
余竒其言之葩肆謂是參寥遠公之倫而可共言詩矣邇來鄰  
社中日夕有佳趣一觴一咏以代絲竹之娛而念城市繁冗不可  
懷安遂振衣西行重到山岵蓋同志四五青衣皂服二三与俱茶



甌酒榼筆架硯匣亦各一二具時正秋著菊撒山椒松添澗濤木落而  
亭臬濶月小而峯壑高來徊吟哦逸興陶然真面優曇悅然復連  
而幻師幽蹤移樹菩提若耶雲門道阻且賸悄焉一宿於維摩室  
右期赴淨脣而還詩凡若干首嗟吾諸君子道遙如外惴心靈匪  
雅音激濁亮猗語入迷廬冷然若秋空鷹鷂爛芳如明月蚌珠  
倘使慧眼對証腕古論今必有品藻之美而惜乎其未也下山翌  
日訪小溪于白門幽居小溪渡呼酒命侶以叙徐懷援筆授余偶  
記其事余遂不辭並拙題于帖末嘗癸亥重陽後九日至也

### 步天圖訣序

孟子曰天之高也星辰之遠也苟求其故千歲之月至可坐而致

以吾之愚雖畀近之事尚未之詳况高遠乎而一身一日之動作不自知故况於天子况於千歲乎猶嘗聞之一天之大只在方寸間今畫方寸紙以謂之天收吾方寸心靜坐觀之抑亦吾不愚也自夫星官之始厥有器象軒轅蓋圖項制渾儀舜在識衡妙合靈運三代以降因廢無徵天文之占鱗雜米鹽及漢洛下閎始復制迄于近古代有所作其最精密者張衡之靈憲淳風之黃道儀今瓚之木游一行之銅渾也紙球之在之皆有之平面上圖體雖周冰但不能於妙運而已然其摺而疊之之筐而弄之之翩然而展瞭然而眎頻昂反覆随手四旋之比諸器架之需托尤有便易豈若膠漆云甬想余童年眼慧每天清無月之夕見滿空星宿聯絡相次踈而



大者如絨絲貫珠繁而細者如風爐燭火分而錯落者如青綾  
繡花廳、可玩今雖欲求詳恨已眊矣而當夕歎已畢徘徊中  
庭矯首四望求其名狀分猶是為遺閑之方故求諸雲觀所藏簡  
儀之法得新舊天文歌舊是隋丹元子所作經緯躔度星數之  
多寡有無顯有相殊蓋由章部餘分歲次浸積差高昇位見幹流  
不齊久而虛實也新是儀象攷成績編所載清宗室敬徵所測  
年既不遠最有的驗亦有家藏圖訣卽我王考典族祖旅菴先  
生所刊數字也二極躔次深得綦詳餘圖點畫靡有舛差但此  
三本俱無金象雖於周測河漢只言界度不載圖式故先依新法  
分摹仍復合圖分三元二十八宿天漢及旁赤二道縱橫度數

十二官名二十四候均載一幅而歌訣系焉南極之常陰不見者初  
無可驗近出於新測故附諸分幅之末再得晦元齋藏本七曜表儀  
及黃道南北總圖摹置左右方並重摹家藏遺圖凡大小分合之  
數為五十餘周天度內名數官次以儀象志與諸本參互疏註氣與  
色雖最難稽自古測度之家未始不辨故氣從西本色依舊法而  
總圖又隨方位而別之於是因靈之真體略具亦足謂器象之次  
至若壇遷盈蝕災祥休咎之理吾未能求其故也嘗上元甲子粵  
三年攝提春靈川申京叙

叢石亭

在通川重修記

通州之叢石即窮窟內絕等希夷之觀也殆自穹隕始判扶



輿磅礪輪囷之氣結為精核瑰奇殊品種之茶置而神翳化媼偏  
施機巧於大瀛之隈集天下之瓊華琇窠而磋之琢之斷之磨之立  
者卧者側者參差者砢砢者曲徧如笙車抽如筍車疊如屏以  
供達人韵士宕懷之資而容裔逍遙於萬二千峰之下者必遵海  
而東以觀止於妙蓋謂泛茲以性雖大有佳處皆多陳國風於  
韶箴之列而豈可與比觀者余於戊辰維夏承命察俗於東壩  
舟于是而得其環觀高叫絕倒不勝人之笑我狂也及其捨舟而  
亭見風樞兩栊東摧西措慄然不暇為眺覽之美且雖有壺  
觴絲竹之具其所施焉念名區殊可惜而改觀顧不易於役席  
遑難于道謀始咄嗟而已即侯李君先余為言而朱墨餘閑風流

蘊藉宜其為仙亭主人余遂忻其有遺典之捐薄廩傾行橐次  
懲鄉胥之婪而收其錢屬侯以徑營之侯既命工復抵書勸為之文  
余雖不才竊喜舊觀之將新亦冀留名於壁間以免日後生客故  
畧叙其繁云爾

### 圓通菴記

五臺之東曰滿月下有蘭若曰明珠之西菴曰圓通峰秀而  
麗谿窈而深儘是上人澄心之所蓮坡鶴雲世襲釋教於斯苑  
然為衆禪之宗而傳其衣鉢者聳岳師普衛也怡興余遇於月  
精山房時正秋暮庭空月白塔影參差攜手徘徊於竹韻松簌  
之間師因仰指冰輪誦其老祖師于江有水于江月萬里安雲



萬里天之句曰如是我聞月天即心之本地水雲即物來照應  
這箇大圓光祇要通明絕禁有些兒上點撥此貧道所居之菴  
所以為名而曰惺惺唯是正偈之常念也余曰雖哉言乎雖然  
祖師一偈得其虛明本體而空之色竟掃蕩滅曷若聖門治  
心譬如月落萬川文皆圓者乎此所以照管萬川物無處不  
光明豈獨為虛影子耶師曰禱儒道兼該體用佛家亦有  
體而無用故以此相殊而自有天地便常有此月我千佛一心以  
此月常有普照無窮得其圓通三一也幸勿以公之光明作我  
之寂滅焉而且菴燉而鐙昔之所扁今也公之蓋為我記諸余  
笑而應因書其問答而歸之

神溪寺重修記

余於閑東按廉之行，歷遊蓬萊，至神溪，登其樓，見其扁曰萬歲。笑謂老比邱曰：物之成毀，物之理也，不可有常。故朽果銅雀，未始不腐。然為大而祇今為膏塵而已。顧此礪窟一寺樓，豈能至萬歲耶？夫何言之夸也。比邱曰：不然。以俗理言之，是固為夸。而我阿耨多羅十方世中佛靈常存，方三光而羅照，亘萬劫而光明，須彌之灰不足以窮其爰恒河之沙不足以計其年。此一區金剛，即亦現在三佛身。而既有此山，便豈有此寺？既有此寺，便豈有此樓？然則萬歲之名，特其小數耳。余故哂之曰：佛之靈真如是也，何不能庇其所居梵宮法宇，床其漏爰，將摧而莫之葺乎？將不支一兩月，尚言萬歲之久耶？比邱乃和南曰：有是焉。故



我无量諸世尊僅來茲願得有明公今日之行乞垂大功德俾將圮  
者復見其輪奐焉然適間所對固北名樓義只敢為滑稽言耳  
今吾眾生俱蒙聖君涵育之澤豈可一分報答故每朝暮一炷香  
就佛灯前頂禮訖奉祝萬歲壽意望為樓西望控揖而退此所  
以名言也余感其微誠知不為夸詡而已遂謔於檀越僧克日普文  
得其捨施之力復區畫而蓋其貲先葺兩宮宇樓亦補苴罅漏蓋  
僅足為百年計然苟能繼而修之隨毀復成今人之望好者將笑枯  
梁銅雀之塵而以摩尼寶珠每第十海屋歲滿一樓矣恭聞我  
聖后八彩眉間始放出壽毫未謹記日月以俟之歲次辰月

我笑堂記

太華一支龍飛鳳舞于蓉湖之眉望之鬱鬱蔥蔥者卽我大院君閣  
下預占壽藏也謙齋鄭公之遂初舊址在其趾拓而堂之扁曰我笑之  
之義大哉夫樂天知命超視萬古獨寤於衆夢之中北大人君子孰  
能焉昔之臨灞陵望魚山者何其悽然喟然而不能自廢也多見  
其可笑爾今我閣下以命世之姿天挺英邁淵之于其襟汪之于其  
度圖維新命于舊邦構太紫而垣衛列掃海程而邪沴熄日月  
為之燭照風雷為之鼓發陰雨為之綢繆于以範圍一世陶甄萬品  
而保全大和歸福于上特談笑間耳遂与卿士賓客落成于斯堂  
于斯時也邦國大安瑞慶日轉于斯可以莞爾矣賢能在朝庶事維



康不期可以道然矣歲豐民滋謳謠四興不期可以驅北矣然不期下  
之笑即与千万人同其樂而以千萬人之笑歸一於我也且閣下於  
鄭公彌甥也鄭公之謹議風節殆可想像於江漢之間而顧今日大  
公至正之政嘉黨各偏以之辨義理明淑慝即亦一治之會今天固  
有待於其地界之欣俯仰今昔亦有所裨然者身家夫婦寄順寧  
之理坦手無繫於偉量而從茲千百歲永享天和燕笑於是堂矣  
敢以誌祝焉

繫纜亭重建記

余之叨守是邦三歲于茲未有一事修舉唯幸局小務閑不勞剗理  
嘗肩輿至縣內一里許見牧項蓮陂灩澦灣泓中有九嶷叢列望

之可愛詩循武而行登所謂繫纜亭遺址蓋是之地勢函然而虛向  
南決駛有巨艦漂流之形故亭以象艤舟所以鎮之西岸一石盤陀在  
畎間因亭以名竟亦維此舟也亭古中圯既繕而復顧人士之嗟惜者歷  
累十年余遂周洵而徑營之輦糞壤疏沙蒲次乃命匠瓦磚取諸廢  
厰材石輸自近麓終閱月工告訖舊制以為其象舟也中房而兩頭挾  
故柁枹失於斲金枘風雨漂搖而不能久完今焉方袤六笏四隅均平  
不藻而緻不赫亦曠登斯以將神嶽宰子良維剡窈而下抱者固靈  
也青黛綠雲迥挹南斗籠慈而可悅者玉女也平眺野豁桑麻數系  
顧瞻邑鄒玉女梯比男登女雀偃僂徃來於朝烟暮靄間頻伸  
忻笑之情可以察眉中簷迴欄倒映於金塘玉漱而藕花秋香陣々



裴鼻矣于斯時也朱墨多暇得与邑人野老可飲於此歌詠聖  
澤不為無助於政化之端而向之虛妄者突兀而入眇甚沒者疏拓  
而呈顏可以覽勝因此有補於風水之形而不害為修葺之一事豈  
余之功實亦儒鄉將吏之力也至若隨毀隨葺毋廢前觀竊有淫  
不謹我之君子云爾

### 成都新誌序

成都古所稱仙吏洞府歷溯往寧以琴鶴而來者皆貴世雋望凡陳文  
采照曜名區如以鷹騁虬駟降玉京而遊昆臺竟其判花遺蹟昭朗於  
几案之間使躡後塵者步一覓源而不之眩焉余始叨守是邦欲觀圖  
籍及傳會要願求諸掌故以舊誌新例散漫糾紛難以挈裘蓋

在松讓以前若喬叢魚鳧之園園茫然書契無可考自東明建都迄  
于麗季沿代事實僅有一二梗槩都護設府初在昭代而正賦征用  
匪頒之式隨時因革貲畜之盈朒稍食之增損俱無恒準至於樓觀  
院宇之成毀城池臺隍之興廢與夫土宜民俗亦世愛風移不可泥古  
而論今猗我聖明御極百志維熙典章文獻燦然具備內而六官  
辟有司憲遵新定條例允為萬年法規因自廟堂分飭外省各以  
志例謄進於是焉郡國科系之疎密洪纖靡不蒐羅將陳于天府  
而照燭無遺敢不慎重茲不得已不恤謏寡旁搜博採刪其冗而  
撮其要蓋僅足以備考編既成報呈于政府仍留副本以為仙史軒載  
籍云爾歲辛未冬府伯靈川申某叙



林忠愍慶業遺蹟碑陰記

按宋文正時烈所著傳曰林將軍慶業字英伯居忠州之達川少以弓  
馬為業亦好讀書嘗慨然曰吾稟天地之氣不為物而為人而為男子惜  
乎生此偏邦將局東以送一生也丁卯虜寇朝廷興講將軍奮曰與  
我精砲四萬將注殲彼虜洗劍鴨水而歸身蓋其氣節之掀揭推  
可想像而當崇禎末著績于西陲者多本道之帥臣迭辟為中軍營  
將自願先驅赴敵為鈞山防禦使等清北諸山城有定州收移拜寧  
邊又監守白馬城而虜置儲齊嘗辨檄檄魯賊詐降而勿殺假犍人  
服其明與水軍都督朱文郁等夾擊孔耿二賊于牛家庄敗之  
皇帝嘉之宣授提兵誥甲戌由嘉善階采尹義州秉障屬年

備知清人情偽告于廟堂曰虜雖和好終必開釁必萬餘兵去以防  
禦示廟堂以為恟又曰虜之南牧不出數年將死守空城乎抑移保巖  
阻乎廟堂曰窮隄哉因力清得白金千兩錦緞百匹于體府設常平兩  
庫而買遷唐貨招撫流民一皆官給貲產卹孤寡助嫁娶去近閭  
風織屬而至又設十二屯勸課耕農於是府庫充牣閭里豐裕事  
聞增稅頃之因事劾罷新府尹李浚馳啓言曰慶業之述去民如  
失慈母如臣庸才幸以鎮之丙子乃以將軍浚擢為尹又清二萬  
兵而廟堂終不許設烽燧于鳳凰松鶻增修白馬城池而蓄財以備  
之是冬虜兵果至遂率府民入山城迭休守堞虜兵退境而不顧  
乃以牛酒生魚使人致問曰何故以許多兵馬猝入鄰國而不同於



邊臣子清主曰崇與國王臣約邊臣臣所豫也逆長驅犯京嚮  
使廟堂從將軍言調兵備虞堂至是乎丁丑追斬清將要魑于鴨  
水盡殲其卒丁亥月徐起復還任時清人以我世子入藩又執斥  
和臣洪翼漢以玄將殺之將軍豐其供奉出返執手曰大丈夫所得  
其所雖去公名將與山斗爭焉淡笑送別絕無嗟勞渚是年又  
劾罷滴子鐵山清人將攻金州衛徵兵於我復用將軍為助防將  
馳入藩中終得誦嘖歸而復力于瀋蓋國家有事則雖遭艱  
被滴必起而用之也未幾陞拜為本道兵使至庚辰逆清人又  
將西犯聞將軍名必使為將以送之黽勉而行多以計誑虜遇天  
兵于蓋州海中使善泗二人佯墮水抵天將船傳本國忠愍及

清人機密砲用土丸而天兵發矢亦故不及故而軍相戰一無所傷  
仍托船毀陸路還清人追覓其炊又嘗得香山僧申歇往來潛  
通于天朝事並暴露脅我朝執送將軍、聞卽就道中途  
嘆曰天生男子必有所用今乃至此就死於虜庭乎乃遂逃脫  
朝廷迫於詰責大索不能得居數年浮海入中國甲申王登州  
皇朝將以爲將以圖遼瀋三月閩賊陷北京赦皇帝身殉社稷  
清人入據而天下爲其區域將軍遂被執抗節不屈繫之於獄  
丙戌解送本國瀋人擁路呼曰我公至、則猶漢衣服頭不剃  
矣既還以沈賊器遠曾所援引置對于庭賊臣自點當圍殺  
之國人哀之肅廟戊寅海官賜祭丙戌贈贊成謚忠愍正廟



戊申 宣額於州及山城祠曰顯忠紀忠至孝子卒未因院享之並  
撤祠毀而碑成於翌年懷碑者悲也悲夫天地之生此偉人不究其  
用<sup>而</sup>枉于死也魯仲連不過個儻之士一言作秦而秦不敢帝當  
丙子之難外有將軍內有三學士清陰桐溪諸先生不免南城之耻天乎  
命耶嗟乎將軍以東土一陪臣挺身於韞韋跼注欲隻手擎天遂博浪三詔不  
遂空為冷山三囚不遇秦檜武穆之死豈為中原父老之恨也世雖以亡命訛之然視  
將軍堂區畏死之人耶是固得當以報三計命雖仇讎心實天質宜其赫  
之名不朽於千古況是府即將軍三莅之地也遺愛之人者深七義之士又出  
於麾下而今其內外諸裔牢落有孱士之秀追惟遺蹟感慨不能忘故俎豆之廢  
感愴于心用表貞珉樹之永世云爾

三政策

壬戌春夏間三南之民以三政之弊

國中播擾備聚逐長吏殺人病燒毀廬舍

御史懲治安戰仍以三政矯揉之方收議

于文蔭二品以上親臨仁政政政策同于

臣對於戲程明道有言曰為人上者常有憂勤之心

然後民安而國治然則今日朝象之以三政憂勤

者其殆弋國之福歟嗚呼宴安逸豫治世之鴆毒也

戰兢臨履醫國之藥石也夫猶年少之人血氣康強

心神流澆未嘗有憂戒色忽遇風寒外觸感嗽成疴

朝廷良醫而診之則以為表症不足憂也內有三彭

之盜漸入膏肓若不急治後將難醫始乃矍然而惧



斷聲色忍嗜欲常飲食廣搜神方也戰以攻之查橘  
以調之蓼朮以補之病亦良已向使風寒不侵良醫  
不診則衆乎其潛銷暗削至於無何矣抑亦有幸也  
歟噫今夫三政譬則膏肓也南服之騷擾不過風寒  
之侵而墨倖猾胥之剝割于民者其心三彭之盞邪  
詢咎良謨而矯揉之者亦心廣搜神方之意邪嗚呼  
惟我 聖朝升平日久朝野恬嬉笙鏞黼黻時有貢  
歸之盛樓臺歌筵世長憂危之戒天地暢悅草木榮  
茂都人士女自相奔蹈以爲驩虞之樂而豐侈之際  
蘼芽易生官吏張肆毒痛于外於是羣情怨懟荷杖

而起殆若聚蚊之成雷而下靖旋動不安其業貽我  
重宸宵旰之憂嗟其可慨也雖然此不足深憂惟先  
治三政之膏肓而貧猶之為蠱者自祛則曩所謂風  
寒之觸感特是暫時之藥其當悅豫且康膏澤敷腴  
矣意必有在朝之彥共進壽民之丹而調劑之以致  
國家全彊之福也宣不休哉臣於通日忝隨簪筆之  
列伏覩我 殿下以傷惻怛之念溢於辭旨臣已不  
勝欽仰攢頌之至而 親臨法殿咸聚臣工特以三  
政矯揉之方 發策垂問是誠千載一有之會也臣  
雖愚昧無一得之慮亦何敢自阻於曉界之天以負



詢薨之聖意也臣伏讀聖策自有國之大政至  
畧舉其槩而詢之臣雙擎百拜一讀三歎臣竊惟田  
軍糴三者最關於民國之政而三政所以名也蓋田  
服農桑有祖稅之供軍編行伍有身布之徵春散而  
給民謂之糴秋歛而納官謂之糶軍國之需取是而  
為贍饑荒之灾待是而有賑則其為王者之政顧不  
重歟是以往邦理國之要必先此三者均田而薄其  
賦省役而輕其徭調窮而施其惠里無白徼之冤倉  
餘紅腐之陳惟當舊典之式遵宜立新弊之可言雖  
然法未嘗不在而衆蠹生焉治未嘗不具而辟瘼滋

焉賦役之澆濫而將何以檢核儲蓄之蕩竭而將何  
以補苴也在易之象曰節以制度不傷財不害民用  
不節則財易絀則害于民故自古明王無不  
以節省為致治之要道則臣以是得有以仰對矣爰  
遵聖策拜手而條列之嗚呼唐虞殷周之規度儘  
美尚矣勿論秦漢唐宋之矩矱隨殊班然可考第今  
時憂溢目須用副憲之策臣請毋甚高論只從切近  
而言之意猗我聖朝開國以來垂今五百年制度  
規畫既甚備極典章文獻靡不昭著今可以指陳於  
九陛之下乎嗚呼二十載改量之限六九等土年之



分 世廟盛際之詳定備矣 光陵潛邸之提舉勤  
矣噫自經壬丙以後中外業籍蕩然無餘東西步尺  
漠矣靡質粵我 宣仁顯甫四聖之朝爰改畿甸原  
海三南之業而海西之田猶恨十邑之未盡闕東之  
簿亦嘆九郡之莫徵闕北一域雖有餘踳闕西全道  
並無舊案殆過百年未遑以數八路同弊而田等之  
制年分之法亦隨而無別焉臣未嘗不慨然於是矣  
嗚呼三營設而仍廢五衛之制收布始而遂弛上畝  
之規意義興鎮撫之遺制總府備矣京鄉貴賤之咸  
隸分畝均矣而倣制浙兵則訓局之所以設也 扈

駕公山則御營之所以置也。始選精拔之軍，終初禁衛之號，徵布之議，倡於梁淵，給用之策，停糞之舉，成於南城罷兵之日。則時從優，宜從有因革之所由政。出苟艱，那無得失之可卜乎？嗚呼！國有糶糴之法，時自羅汭之初，省耕補助，尚有先王之遺風。發倉賑貸，可追西京之美政。而始有耗穀之名，仍作征用之費。噫！故國川王之初，於句麗由來久矣。勝國義倉之因於昭代法，亦美矣。鰥獨之窮，只有賑恤之為惠。雀鼠之耗，不宜用度之取資。而丙難蕩儲之餘，北使疊支之際，或取三分之一，或請五分之四。平倉會錄固出。



不得已之政全耗盡用竟致無奈何之弊矣然而  
世廟時有大邱減耗之命宣廟時有相臣存耗之  
啓則未知當時取耗何用而其於古例未敢質對愚  
臣死罪噫博搜典故引喻古今以逞觚墨之技不過  
迂儒俗士誇能較藝之習無補於實策故聖問至  
此亦何敢妄援他辭乎臣伏讀聖策自以予所識  
至汪然流涕者予臣莊誦再三丹衷自激嗚呼國初  
三政之設本出於裕國安民之要而田有均齊之法  
軍有捍衛之方糴有歛散之擇廉吏而卹民隱受正  
供而涵邦用故所以上下交而外內相資國有殷富

之實民無咨竄之患矣夫何挽近以來衆瘼叢生八  
域均弊經界紊則豪勢狃於兼并尺籍虛則狡黠習  
於逃竄糴法壞則奸猾逞於舞弊宮納邱債情費耗  
編之增添而稅騰倍蓰之佃校院墓村契防班譜之  
托冒而軍多若疊之徵官贓吏逋挪移加下之繁殖  
而穀餘虛濫之傳陳賸廢壠何督於納經而納結莠  
口白骨何其於編伍而編隊空殼虛耗何多於徵族  
而徵里稅甲移乙雞犬衿託之冒錫無子有丁揔是  
岳只之虛踈而殘戶三四口之家積逋幾十斛之糴  
殆同無麵之飪無毛刮龜之毛弊之劇也吁亦憾矣



今宜從頭釐革隨手更張而苟欲改量材資<sup>貲</sup>何從而  
得也苟欲查丁簽傳何得而詳也苟欲蠲還經費何  
取而<sup>代</sup>資也且今之議者曰打量之法非但茫昧步尺  
之際易致葛藤反有撓民之虞查括庖丁雖甚便嘗  
班閹之冒名游閑之憑勢者皆將有兔脫之計狐假  
之習而悖蠶之舉又恐接踵而起充糴則實無可望  
而雖或牽補一入吏胥之手則不出數年又復如前  
細究其論理固然矣臣以是左右思惟莫知其矯揉  
之策也雖然臣既以帑省二字微發於前敢不畢其  
說以塵乙覽予夫財出乎民而以供於上<sup>上</sup>之能帑

省則民力以舒上不爲省之民業以竭漢帝唐宗之  
天下富庶秦皇隋主之海內消耗蓋莫不由是而服  
御飲食之需俸祿恩賞之資月給雖少歲計常多况  
加於是者乎此不爲而省之之術欲輕其徭薄其稅  
蕩其逋與民休息誠恐無其術矣惟我 殿下昭儆  
躬德非有宮室燕樂弋獵之費而內而禁掖外而營  
府廄而官房遠而祠院此夫聽司之冗多胥役之寔  
繁傳籍之不明斗斛之不均邊禁之蕩弛俗尚之泰  
侈贓污之無懲豪強之不戢猶多可言之端 臣 竊  
愚極死猥越而焯然棄赤不能自泯敢具十件事仰



與三政之便宜別成條列陳于左方狂瞽之說豈望  
聖人之擇焉耶臣伏讀聖策自子大夫至親覽焉  
臣拜手稽首曰都臣之愚悃罄悉無蘊而篇將尾矣  
復有贅焉顧今矯弊之策雖甚切摯志不誠臣始勤  
而終怠察不明臣遠遺而通蔽無以奏实效而八域  
蒼生之矯足引領以想望焉者抑將何以應之歟唯  
誠竟而後能格物明德而後能新民故大學之書所  
著治國平天下之大經大法必本乎誠明而亦我

祖宗朝傳授之心法也

筆臣竊源臣民更始臣南臣書

不懷萬年無疆之休臣宜在是矣伏願臣殿下懋念臣焉臣時臣萬壽

華山  
眼福




297

白坡漫稿

壹  
冊

卷之五





卷一百一十五

目錄

八